



## Ned sã n puus zama pugẽ, a yel-sõmdã yuda ned sãn na n puus a zakẽ, la a sãn na n puus a raagẽ pisi la saare

Yii Abuu Hurayrat nengẽ (Wënd yard be a yĩnga) a yeelame: Wënd Tën-tuuma (Wënd puusg la A tıgr be a yĩnga) a yeelame: «Ned sã n puus zama pugẽ, a yel-sõmdã yuda ned sãn na n puus a zakẽ, la a sãn na n puus a raagẽ pisi la saare, la rëndã yaa tı yãmb ned fãa sã n yõk koom, n maneg koomã yõgbo, rẽ poorẽ n yi n keng miisrẽ wã, tı bũmb ka keng ne-a rëndã Puusgã, a ka rat bũmb sã n ka Puusgã, a ka zẽkd a na-tagdre rëndame tı Wënd zẽk dargε ne-a, la A lub yel-beed ne a na-tagdrã zẽkre, halt t'a wa tug n ta miisrẽ wã. La a sã n kẽ miisrã pugẽ, a bee Puusg pugẽ bala, tı sã n mikame tı yaa Puusgã n gidg-a t'a be beenẽ. La malegsã puusda ned fãa, sã n mikame t'a ket n bee a Puusgã zĩigẽ, b yetame: m Soab a Wẽnde! Yols-a, m Soab a Wẽnde! Yaaf-a, m Soab a Wẽnde! Reeg a tuubgu. T'a sã n ka maan zũnuub tuuma a zĩigẽ wã, maa a koomã sã n ka kao».

[Naşun Şahuhun (Gom-sikdem sãn manege)] [B zemsa taab a zugu (A Al-Buħariy la a Muslim n reeg-a)]

Nabiyaamã (Wënd puusg la A tıgr be a yĩnga) kõta kibare tı İslaam sã n puus zama pugẽ, Puus-kãng sõmblem yuda a sãn na n puus a zakẽ, maa raagẽ, ne yel-sõmd pisi la saare. Rẽ poorẽ t'a togs sababã a pugẽ, tı bala ned sã n yõk koom n pids a koomã yõgbo, n maneg-a, rẽ poorẽ n yi n rabd miisrẽ, bũmb ka yiis-a zakẽ wã rëndã Puusgã raabo, a ka yãkd no-yakemde, rëndame tı Wënd zẽk a dargε wã, la A yees a tuum tuuti wã, a sã n kẽ miisrẽ wã n zĩnd n gũud Puusgã, a reegda Puusgã keor la a yel-sõmde, t'a sã n zĩẽ n kolled Puusgã, tı malegsã kot n kõt-a, t'a sã n ket n zĩ zĩig ninga a sãn puusẽ wã, b yetame: "m Soab a Wẽnde! Yaaf-a, m Soab a Wẽnde! Yols-a, m Soab a Wẽnde! Reeg a tuubgu". t'a koomã sã n ka kao, maa a maan bũmb ning sãn namsd nebã, maa sãn namsd malegsã.

<https://sunnah.global/hadeeth/mos/show/4566>

